

# ЦИЙИ ЙИС МУБАРАКРАЙ!



# САМУРДИН

# ССС

«Магьарамдхуьруьн район» МР-дин  
общественно-политический газет.  
Общественно-политическая газета  
МР «Магарамкентский район».

Газет 1951- йисалай акъатзава. № 1 (7769) жумья, 1- январь, 2016- йис. Къимет 6 манат.

## Цийи йисан тебрик



ЧУН 2016- йисаз гъахънава. Цийи  
йисан сувар неинки шад межли-  
сар къурмишдай, тӀямлу хуьре-  
кар гъазурдай, мукьва-къилий-  
риз, ярар-дустариз мубаракар  
ийидай, сагъвал, бахтар, хи-  
зандин хушбахтвал  
кӀанардай вахт, гъакӀ им ке-  
чирмишнавай йисан нети-  
жаяр къадай, гележегди-  
кай фикир-хиял ийидай  
ва цийи планар  
туькӀуьрдай вахтни я.


Алатнавай йисуз чи  
райондин уьмуьрда тарифдиз лайихлу гзаф вакъиаяр кыле фена,  
чна хийирлу гзаф крарик кыл кутуна, чалай дамахдай крар ийиз  
алакьна. Шаз чна къазанмишнавай агалкьунар сифте нубатда  
чи гъар са районгъелиди дурумлувилелди зегъмет чӀугунин  
нетижа, муниципальный райондин органри пайгардик кваз  
кӀвалах авунин нетижа я. Уьмуьр патал важиблу вири хилера  
чи районгъелийри гъил-гъиле кьуна бегъерлувилелди санал  
кӀвалахун Цийи йисузни давам жедайдак за умуд кутазва.

Алукъзавай йис Дагъларин йис яз малумарнава. Им  
Дагъустан-Дагъларин уьлкве патал лап лишанлу кар я.  
И рекъайни чаз ийидай кӀвалахар тӀимил авач.

Цийи йисуз районгъелийрин гъар са хизандихъ сагъ-  
ламвал, ислягъвал, хусуи бахтлувал хьун зи  
рикӀин мурад я.

Кезе Цийи йис мубаракрай, гъуьрметлу  
районгъелияр!

«Магьарамдхуьруьн район»  
муниципальный райондин кыл  
Фарид АГЪМЕДОВ.





# Цийи йисан тебрикар



Уважаемый Фарид Загидинович!

Примите мои искренние поздравления с Новым годом – светлым, добрым праздником, несущим людям радость, надежду на обновление, уверенность в завтрашнем дне!

Эту веру в будущее великой России особенно важно сохранить сегодня. В непростой и ответственный момент ее развития. Мы сильны единством наших народов, богатыми патриотическими, культурными традициями, мощным экономическим и интеллектуальным потенциалом. И какие бы планы мы ни строили, каждый из нас хорошо осознает, что они напрямую связаны с благополучием нашего родного Отечества. Впереди большая работа, которую мы сообща обязательно выполним!

Пусть Новый 2016 год станет временем новых свершений, мира и согласия! Мы верим в Россию, мы верим в Дагестан и сделаем все для благополучия и безопасности дагестанцев.

Крепкого Вам здоровья, неизменных успехов в созидательной деятельности на благо нашей Родины- России!

Глава Республики Дагестан  
**Р. Абдулатипов.**



Уважаемый Фарид Загидинович!

Поздравляю Вас с Новым 2016 годом! Этот праздник мы встречаем с особым чувством и надеждами. Ждём перемен к лучшему, воплощения в жизнь намеченных планов и новых достижений.

Пусть наступающий 2016 год принесет успехи в созидательном труде на благо России! Желаю вам крепкого здоровья, благополучия и удачи!

Председатель Совета ректоров вузов Республики Дагестан,  
Ректор ДГТУ, д.т.н., профессор **Т. Исмаилов.**

## Газетдин дустариз



**Наби НАБИЕВАЗ,**  
Цийихуьруьн СОШ-дин  
директордиз.

Дережаяр хъана къакъан,  
Чун риклелай алудна на.  
Хъижедайвал газет масан,  
Чарни къелем ракъурдан за.

**Айна ШАЛБУЗОВАДИЗ,**  
Филерин хуьруьн СОШ-дин  
малимдиз.

Секин хъанва Айна бике.  
Къазмачни на къелем гъиле?  
Я тахъайтла сир яз рикле,  
Хуьзван вуна бендер клеве?

**Ферид ВАГЪАБОВАЗ,**  
Советск хуьруьн СОШ-дин  
малимдиз.

Ферид малим, хийирар хъуй,  
Ваз Цийи йис кутугайд хъуй.  
Вил гала чи хатларихъ ви,  
Риклеп хкъаш газет на чи.

**Насреддин АЛИРЗАЕВАЗ,**  
зегъметдин ветерандиз.

Къе са йисан хъана члехи,  
Амуькрай вун гъакъ яз дири.  
Самур патан хабар цийи  
Вун кисайла ракъурда ни?



тебрикар кхъейди-  
**Фикрет ГЪАЖИЕВ.**



## ГАЗЕТДИН ДАЯХРИЗ



## ГАЗЕТ КІЕЛЗАВАЙБУРУЗ

ГЪУЪРМЕТЛУ мухбирар! Квез 2016-йис мубаракрай! Чахъ галаз сигъ алакъа хвена бегъерлувилелди кваллах авунай чухсагъул. Квехъ чандин мягъкем сагъвал, жележегдихъ инанмишвал, хъсан гуьгъуьл, яратмишунрин кваллахда агалкъунар, хизанда хушбахтвал хъун чи мурад я. Чна Цийи йисуз алакъаяр мадни мягъкем жедайдахъ умуд кутазва.

«Самурдин сес»  
газетдин коллектив.

ГАЗЕТ келзавай гъуьрметлу районэгълияр! Квез Цийи йис мубаракрай! Къуй ам куьн патал сагъвал галайди, мублагъди, фикирдиз къачунвай крар къилиз акъатдайди, газетдинни ам келзавайдан алакъаяр мадни мягъкем жедайди хъурай.

2016-йис патал газет кхъинин компанияда жумартвилелди иштиракай вири районэгълийриз, Цийи йис патал газет кхъинив и кардин важиблувал фикирда къуна эгечлай вири руководителриз риклин сидкъидай чухсагъул лугъузва.

«Самурдин сес» газетдин коллектив.

## ВУН ПАТАЛ 2015-ЙИС ГЪИХЪТИНДИ ХЪАНА?

*И суал чна са шумуд касдиз гана. Агъадихъ абурун жавабар куьрелди газет клелзавайбурун фикирдиз теклифзава.*

**Рафик АГЪАМИРЗОЕВ,**  
«сельсовет Магарамкентский» СП-дин кьил,  
футболдин «Леки» командадин президент



АЛАТАЙ ЙИСАЛАЙ наразивал ийидай я ихтияр, я себ-себ захъ авач. Акси яз, зун патал ам бегьерлуди, агалкьунринди хъана.

2015- йисуз зун «сельсовет Магарамкентский» хътин члехи СП-дин кьилиз хкягъ хъувуни кьве хуьруьн жемят зи кваллахдилаи рази тирдан гъакъиндай шагъидвал ийизва. Гъа ида зун кваллах мадни хъсанаруниз, агъалийрин ва хуьрерин игътияжар чируниз, авунвай ихтибардиз вафалу хъуниз мажбурзава.

2015- йис футболдин



«Леки» клуб патални бегьерлуди хъана. «Леки» команда-

дикай алатай йисуз 4- сеферда республикадин чемпион хъана. Ада сифте яз республикадин кубок къазанмишна. Им «Леки» Дагъустанда алай вахтунда виридалайни гужлу команда я лагъай члал жезва. 3- дивизиондин (ЮФО ва СКФО) футболдин командайрин арада футболдай Россияда сад лагъай чка патал кьиле фейи кьугъунра «Леки» кьвед лагъай чкадал акъатна. Цийи йисалай «Леки» Россиядин 2- дивизиондин профессиональный лигада кьугъвада.

Къуй 2016-йисни «Леки» патал, чун вири патал ислягъди ва бегьерлуди хъурай. Квез Цийи йис мубаракрай, гъурметлу районэгъляяр!

**Замина АДИЛОВА,**  
Гъепцегърин Т.Нагъиеван тварунихъ  
галай СОШ-дин сифтегъан классрин  
малим.

ЗУН патал алатай йис бегьерлуди хъана. Республикадин «Дагъустандин малим- 2015» конкурсдин муниципальный этапда иштиракай заз журиди 1-чка гана. Им, гъелбетда, шадвал, гъахълу дамах ийидай кар

хъана. Вучиз лагъайтла, конкурсдин иштиракчяр вири хъсан тежриба, гъардахъ вичин педагогвилин хатI авай, хкянавай пешедал рикI алай, гъар сад «гъалибчи» тварциз лайихлу хъсанбурукай хъсан малимар тир. Ихътин кьиметди зун мадни хъсандиз кваллах авуниз мажбурзава.



**Фархат ИБИЛКЪАСУМОВ,**  
ОМОН-дин кьуллугъчи,  
дуьньядин чемпион, спортдин мастер.



ГЪАР СА спортсмендин мурад гъурметдин гуьрарин лап вини кларциз хкаж хъун, дуьньядин чемпионвилин твар къазанмишун я. 2015- йисуз зун и мураддив агакъна. Германияда кьиле фейи кьайдаяр авачир женгина (ММА версия) закай дуьньядин чемпион хъана. И гъалибвилай, ихътин члехи тварциз лайихлу хъунай заз сифте нубатда Тагъирхуьруьн къазмайрин юкъван школадин малимриз чухсагъул лугъуз кланзава. Эгер абуру чахъ, аялрихъ галаз рикливай кваллахначиртIа, чавай кьелелай истемешначиртIа, бажагъат зун кье и дережадиз хкаж жедай.

Дуьшуьшдикай менфят къачуна заз чирвилер ва тербия гайи малимриз, зун члехи женгериз гъазурай тренерриз Цийи йис мубаракрай кланзава. Къуй абурухъ мягъкем сагъвал, дамахдай агалкьунар хъурай.



## Фарид Агъмедован турнир

27- ДЕКАБРДИЗ райондин спортдин комплексдин члехи залда «Магъарамдхуъруън район» муниципальный райондин кыл Фарид Агъмедован приз патал 2000-2001- йисара хайи жегилрин арада дзюдодай райондин турнир кыле фена. Турнирда республикадин шегъеррай ва районрай атай командайри иштиракна. Идалай гъейри турнирдиз мугъманар яз Дагъустанда дзюдодин Федерациядин диб эцигай, Туъркмениядин лайхлу тренер Тажир Абдулатифов, Магъарамдхуъруън районада дзюдодай спортдин мастерар гъазурай лайхлу тренер Омар Шагъмарданов, Дагъустан Республикадин самбодай Федерациядин

президент, ветеранрин арада дуъньядин са шумудра чемпион, СССР-дин спортдин мастер Къазимагъамед Агъмедов ва райондин са жерге организационинни карханайрин руководителар, райондинни хуърерин Собранийрин депутаттар атанвай.

Турнир кюршахар къазвай спортсменар чпин заланвиллиз тамашна вад категориядиз пайна тухвана. Ина гъалиб хъайи спортсменриз кубокар, медалар, грамотаяр ва пулунин премияр гана. Гъалибчийрив призар муниципальный райондин Кыл Фарид Загъидинович Агъмедова вахкана.

**Шикилда:** Фарид Агъмедов турнирда гъалиб хъайибурун юкьва.

**Р. ГЪАЖИЕВАН** шикил.



# 2016 -

### Январь 2016

	1	2	3			
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

### Февраль 2016

1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29						

### Март 2016

1	2	3	4	5	6
7	8	9	10	11	12
13	14	15	16	17	18
19	20	21	22	23	24
25	26	27	28	29	30
31					

### Апрель 2016

	1	2	3			
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

### Май 2016

						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

### Июнь 2016

	1	2	3	4	5
6	7	8	9	10	11
12	13	14	15	16	17
18	19	20	21	22	23
24	25	26	27	28	29
30					

## Савкъват - гъалибвал

ЗУН квалалахал атайла, Муьгъверганрин СОШ-дин учительскида гъеле са касни авачир. Столдал алай райондин «Самурдин сес» газетдин чинилай мили хъвер ийизвай жегил килигзавай. Адакай кхъенвай макъаладин кылни «Фархат-дуньядин чемпион» тир. Зи лезги халкъдихь ихтин кегъал хва хъун шадвал ва дамах ийидай кар тушни бес!?

Са арадилай квал малимрай ацлана. Абуруни газетдиз, дуньядин чемпион Фархатакай кхъенвай макъаладиз интерес авуна. Гъа и арада зи риклеп хтана: «Бес чи ученик Фархадни чна Къазахстандиз азаддиз кьуршахар къаз рекъе туначирни?!»

Учительскидиз кват! хъанвайбурун арада Фархадан буба Ханлар малимни авай. За адавай хабар кьуна:

-Ханлар малим, Фархад хтанвани, ада вуч авуна?

Ханлар малимди, милиз хуьурена ва секиндив, са клусни дамах гвачиз жаваб гана:

-Адаз сад лагъай чка хъана.

-Я Ханлар малим,- мягътел хъана зун,- вун кис вучизнава? Ам члехи агалкъун ва тарифар ийидай кар я. Ахьтин хцел са вуна ваь, чна вири –школади,хуьруь,районди дамахна кланда.

Им Фархадан сад лагъай агалкъун туш. Алатай йисара Грозныйда, Хасавюртда... кьиле фейи акъажунрани ада сад лагъай чкаяр кьунай. Ингъе,и сефердани Къазахстанда вичихь галаз бягъсиниз экъечлай вири кланик кутуна вичи клелзавай школадиз Цийи йисан савкъват яз гъалибвал хкана.

Чи гъвечли хва Фархад! Вахъ гележегда мадни члехи агалкъунар хъун гуьзлемишзава чна валай. Къуй вун ви тварун стха Фархатан дережадиз хкаж хъурай. Къуй гъа Фархатанни рикле авай мурадари вири кьилиз акъатрай. Къуй чи Лезгистанда куьн хьтин рухвайрин жергеяр къалин хъурай!

**Ф. ЭМИРАСЛАНОВА,**

Муьгъверганрин А. Рамалданован тварунихь галай СОШ-дин малим.



## 2016-ЙИСУЗ ЯЛ ЯДАЙ СУВАРРИН ЙИКЪАР

### Суваррин йикъар

- 1-январь- Цийи йис
- 7-январь- Рождество Христово
- 23-февраль –Ватан хуьз-вайдан югъ
- 8-март- Дидейрин Международной югъ
- 1-май- Гатфарин ва зегметдин сувар
- 9-май – Гъалибвилин югъ
- 12- июнь- Россиядин югъ
- 4-ноябрь – Халкъдин сад-вилин югъ

### СУВАРРИН ЙИКЪАР ХКУН

- | Гъинай     | Гъиниз       |
|------------|--------------|
| 2-январь   | - 3-май      |
| 3-январь   | - 7-март     |
| 20-февраль | - 22-февраль |
| 1-май      | - 2 - май    |
| 12- июнь   | - 13-июнь    |



# Й И С

## Июль 2016

	1	2	3			
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

## Август 2016

1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

## Сентябрь 2016

		1	2	3	4	
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

## Октябрь 2016

				1	2	
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

## Ноябрь 2016

1	2	3	4	5	6	
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

## Декабрь 2016

				1	2	3	4
5	6	7	8	9	10	11	
12	13	14	15	16	17	18	
19	20	21	22	23	24	25	
26	27	28	29	30	31		



## ❄️ ДИДЕДИН РИКІ ❄️

МУЪГЪВЕРГАНРИН хуьруьн юкьван школадин 5-классда «Вичин тивар Диде тир дишегъли эбеди машгъур ийида» лишандик кваз ачух тарс кьиле фена.

Тарс жедалди вилик шикилрин «Дидедин рикі» конкурс хъана. Чи классдин руководительница Эмирасланова Фазила Фахрудиновнади чаз шикилрин темаяр хъяна. Чун тарсуниз рикивай гъазур хъана. Урус ва лезги шаиррин дидедиз бахшнавай шириар хуралай чирна. Тарсуниз вири диде-бубайриз ва малимриз теклифна.

Тарс тебрикдин гаф рахуналди Фазила Фахрудиновнади ачухна. Ахпа чна, аялри нубатдалди дидейриз бахшнавай шириар келна, абуруз чи, аялрин гьилералди гъазурнавай савкъатар пишкешна.

Ахпа чна са суфрахдихъ ацукьна чай хъвана. Дидейри чна тарсарикай азад вахт гьикі кечирмишзаватла суьгьбетар авуна. Классдин руководительницади чи дидейриз мукьвал-мукьвал школадиз атунай, чпин аялри гьикі келзаватла, абурун низамлувал гьихътинди ятла гьузчивал тухунай чухсагъул лагъана.

И югъ чун, аялар патал гзаф шадди хъана. Ихътин мярекатар тухунай чун чи учительницадилай гзаф рази я.

**Авизат  
КЪАИБХАНОВА,  
Мадина ГЪАСАНОВА,  
5-классдин ученицаяр.**



## МРОТ - цийи йисуз Зегьметдиз гьакъи гунин кланин къадар 1- январдилай хкаж жеда.

2016-ЙИСАН 1- январдилай МРОТ-дин къадар вацра 6204 манатдал къван хкаж жеда. 2015-йисуз МРОТ-дин къадар 5965 манатдин дережада авай. МРОТ вахтуналди зегьмет члугуниз къабил туширла, кьвачел залан ва аял хайила пособийрин къадар тайинардайла ва маса дутьшуьшра ишлемишзава.

## Индексация - 4 процентдин Госдумади пенсийрин индексация инфляциядин дережадилай агъадай тайинарна

2016-йисуз индексациядин къадар инфляциядихъ агакьдач. Ада 4 % тешкилда. Амма законопроектди 2016-йисан вахтунда индексация хутах хъувунин мумкинвал теклифзава. 4% индексация 2016-йисан 1-апрелдилай кьиле тухуда. 2016-йисуз юкьван гьисабдалди страховой пенсиядин къадарди 12603 манат тешкилда, яшлувиляй гузвай страховой пенсия 13132 манат, накопительный пенсия 670, социальный пенсия 8562 манат жеда.

## — КЪУЛЛУГЪЗАВА АСКЕРДИ ВАТАНДИЗ —

### БУРЖИ- НАМУСЛУВИЛЕЛДИ

ЖАЛИЛАЛ, Ватандин вилик аскервилини пак тир буржи тамамариз эвер гайила, фельдшервилини къуллугъ ихтибарна. Командирар ягълмиш хъанач, ада вич низамлу ва тапшурмишай карса рахунни алачиз кьилиз акъуддай аскер яз къалурна. Тапшурмишнавай кардиз члехи интерес авуналди, ам вичин профессиональный гъазурвилини дережа ара датлана хкажунал машгъул жезва.

Желил Камалович къуллугъдин везифа тамамарунив намуслувилелди эгечлзава. Командиррин ва начальникрин приказар са



рахунни алачиз, дуьз ва вахтунда тамамарзава. Ада къуллугъдин юлдашрихъ галаз хуш алакьаяр хуьзва, коллективда лайихлу авторитет ва гьуьрмет къазанмишнава.

И йикъара Ярагъкъазмайрин хуьре яшаммиш жезвай Жалилан диде-бубади адан ко-

мандирдилай шадвал ва дамах кутадай чар вахчуна. Ана кхъенвай:

«Гьуьрметлу Рагъима Рамазановна ва Камал Гьамзетович!

Куь хци къуллугъ ийизвай аскервилини частунин командованиеди хва Жалил къакъан патриотвилини, Ватандал рикі хьунин руьгьдал алаз тербияламишунай члехи чухсагъул лугъузва.

Жалила вичин аскервилини пешекарвал акьалтлай гьалда чирнава, ада Россиядин Федерация битавдиз хуьнин рекьяй вичин аскервилини буржи намуслувилелди тамамарзава. Куь хцихъ юлдаш-

рин ва командованиедин арада лайихлу гьуьрмет ава.

Кеевай куь хцел, адан аскервилини къуллугъда къазанмишзавай агалкъунрал гьахълувилелди дамах ийиз жеда.

Кеехъ мягъкем сагъвал, Ватан хуьзвайбурун цийи несил тербияламишунин карда агалкъунар хьун чи мурад я.

Аскервилини частунин командир,

гв. полковник  
**А.НЕРОВНЫЙ».**

Гьуьрметлу Жалил, Рагъима ва Камал Гьамзатовар!

Алукьнавай Цийи йис квез мубаракрай. Къуй ам квез сагъвал, хушбахтвал ва рикі шадардай хабарар галайди хъурай!

**Ф. ГЪАЖИЕВ.**

## ТУЪНТ МАЙМУНДИН ЙИС

ТУЪНТ Маймундин лишандик кваз фидай 2016- йис Рагъэкъечидай патан гороскопдай къизгъин вакъиайралди девлетлуди, къезилди ва шадди хъун гуъзлемишзава. И йисан вакъиаяр, адан иеси Яру Маймун хъиз, гуъзлемиш тавурбур, бязи вахтара акъулдиз текъведайбур жеда. И гъайвандихъ тебиатди ганвай гужлу къатлун ава, адахъ бес къадар артиствал ава ва ам риклиз чимиди я.

Амма бязи вахтара адан гуъгуъл 180 градустдин дегиш жеда ва Маймун туънтди, ажугълуди жеда.

Са шумуд сятдилай Маймунди гъихътин къуьруьк акъуддатла фикирдиз гъиз тежедайвал, 2016-йис гъихътинди жедатла виликамаз дуъз лугъуз жедач.

Вири йигиндиз ва бейхабар дегиш хъун мумкин я.

→ 8



### ФИКРЕТ ГЪАЖИЕВ

## АЯЗ БУБА – ХОЗРАСЧЕТДАЛ

ГАТУН эхирра банкара арадал атай тлурфанди Аяз Бубадин дувуларни тамамвилелди бушарна. Цийи йис алуькдалди хсуси бюджетдин къил –къилел хкун патал члугур алахъунрини нетижа ганач. Государстводин куьмекдикайни тамамвилелди умуд атлана. Аяз Буба хозрасчетдал элячлуниз мажбур хъанай.

-Вири уьлкве базардиз элкъвенва. Маса чара авач, гъа алакъайрикай жувани менфят къачуна кланда.

Лагъана- авуна. Аяз Бубади шив хътин «Волга» маса гана тачка хътин «Запорожец» къачуна. Амуькай пул Цийи йисан савкъватар къачуниз чара авуна.

Аяз Буба вацлун а пата авай «Пелел» рекъе гъатна. (Инсанрин лугъунриз килигна ана шейэр чи патарилай булни ялда, ужузни).

«Къизил муькъвел» агакъайла ам акъвазарна ва машиндай эвичлун эмирна. Аяз Бубадиз хъел атана, амма винелди акъуднач. Акси яз хъуьтуьл сесиналди лагъана:

-Зун Аяз Буба я. Зак тади ква.

-Вун нин буба ятла заз чидач, амма им карантиндин пост я. Инал вири ахтармишдай, незир алайда садакъа гудай садавайни члуриз тежедай адет ава. Гъавилляй ахъагъа ви машиндин багажник.



Ик! лагъана постунин иеси машиндин къулухъ фена гъилерни эчлез яна акъвазна.

Аяз Бубадин плузарар са живи юзана, вилер хъуьрена. Ам вичихъ галаз рахазвай кас тама авай мегъуьн кланчлунилай са куьналдини тафаватлу тежезвайдан гъавурда акъуна. Ада сиви чъкъни тавуна «Запорожецдин» къулухъ галай копот хкажна.

-Вагъ! Багажникда авай и мотор вучтинди я? Ам гваз завай вун сергъятдилай

ахъагъиз жедач. Физ кланзаватла, хатур хъурай ваз, ам инал тур, хкведайла вахчу, -клевивална постунал алайда.

-Ам авудайла финихъ метлеб амуькзавач, чехиди. За ам маса гуз ваъ, ремонт ийиз тухузва. Клантла хкведайла ахтармиш хъия. Ам гъа алай чкадал аламуькда. Аяз Бубади ваз гаф гузва, -лагъана гъил жибиндиз вегъена.

Эхирни Аяз Бубадин захавили постунин иеси бушарна. Адаз фидай ихтияр гана, амма шартлуналди: мотор хкведайлани багажникда амуькун герек я. «Агъ фугъара,- фикирна Аяз Бубади, -«Запорожецдин» мотор вилик жедайди яни, тахъайтла адан чка къулухъ къил яни чин тийидай вал и пост гъик! ихтибарнавайди ятла».

Аяз Бубади гъамиша хъиз, и сефердани вичин гаф хвена: элкъвена хкведайлани мотор «Запорожецдин» къулухъ галай «багажникда» амалдай.



## За незаконный сбыт наркотиков - 8 лет

Магарамкентский районный суд 21.12.2015 вынес приговор в отношении местного жителя Гаджибалаева Г., 1956 г.р.

Он признан виновным в совершении преступления, предусмотренного п. «б» ч. 3 ст. 228.1 (незаконный сбыт наркотического средства в значительном размере).

В судебном заседании установлено, что в октябре

2015 года, Гаджибалаев Г. умышленно, осознавая общественную опасность своих действий, незаконно сбыл условному покупателю Г. наркотическое средство – марихуану, массой 74.4 грамм, получив от последнего денежные средства в сумме 10 тысяч рублей.

Согласившись с позицией государственного обвинителя прокуратуры Магарамкентского района, суд признал Гаджи-

балаева Г. виновным в предъявленном обвинении и назначил наказание в виде лишения свободы сроком на 8 лет с отбыванием в исправительной колонии строгого режима.

**М. КАЗИАХМЕДОВ,**  
прокурор района  
старший советник  
юстиции.



## ТУЪНТ МАЙМУНДИН ЙИС

7 ←



Секиндиз физвай уьмуьр сад лагана фикирдиз гъиз тежедайдаз элкведа. И йисуз чехи планар ягъун герек къведач- абур регъятдиз кылиз акъудиз хъун мумкин я. Амма фендигар Маймунди са легъеда вири чурунни мумкин я.

И йис бине авачир шакулу крарин, гъисс авунал билеламиш хъанвай къарарин, активвилин ва уьмуьрдал ашукъвилин йис я. Гъа и лишанар хас я гъа и йисуз ханвайбуруз (1896, 1956, 2016 ).

2016- высокосный йисан умуми гороскопди вири знакриз уьзуьррин вилик пад къунив рикливай эгечун меслят къалурзава. Амма къуллугъ-



дин рекъе гзафбур гъундуьрдиз хкаж хъун гуьзлемшзава. Гзаф знакрин доходар алава чешмейрин гъисабдай хкаж жеда.

Хсуси алакъаяр ва муьгъуббат патални и йис къулайди жеда. Дустарин ва мукъва-къилийрин алакъаяр чими жеда. Хъелзавайбур дуст хъижеда.



**Эльман АЛИЕВ**  
**ЗИ МУРАД**

*Кландай риклиз са гатфариз  
Вакай къезил гар хъанайтла.  
Зи нефесдин хъана са пай  
Дамарра зи къекъвенайтла.*

*Мурад я зи - вун пар хъана  
Зи бедендал алкланайтла.  
Йифиз-юкъуз вун зи хъен яз  
Са жигъирдай физ хъанайтла.*

*Тиртла машгъур са ашукъ зун  
Вун чуьнгуьр хъиз къадай  
хурал.  
Къизилгуьлдин цуьк тиртла вун  
Элкъедай зун члиж хъана вал.*

*Зун багъ хъана аруш хъунухъ  
Ви гардандал-мурад я зи.  
Вун са багъ яз бегъердавай  
Емишар тлуьн хиял я зи.*



**Къилин редактор**  
**А. ИСМАИЛОВ.**

**Редакциядин адрес:**  
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

**Тешкилайди:** «Магъарамдхуьруьн район» МР-дин администрация.  
**Адрес:** 368780. РД, Магъарамдхуьруьн район, Магъарамдхуьр, Гагаринан куьче, 2.

Газет РД-дин массовый информациядин такъатрин ва печатдин гъакъиндай РФ-дин законодательстводал амал авунал гуьзчивал ва регистрація ийидай Региональный Управлениеди регистрація авуна. № Д-0174, 1996- йисан 10- июль.

**Чап ийиз вахкудай вахт - 16.00.**  
**Чапун патал къул члугуна- 15.00.**

Газет ООО «Самур» типографияда гъазурна ва гъана чапна. Издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги члал.

**Индекс 63340. Тираж 1579.**  
**Заказ № 1.**

6+

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.